

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Radna komisija za ustavna i pravna pitanja

Broj: 01/1-166/99

Sarajevo, 17. 09.1999.

Z A P I S N I K

**7. sjednice Radne komisije za ustavna i pravna pitanja Predstavničkog doma
Parlamentarne skupštine Bosne i Hercegovine, održane 17. 09. 1999. godine**

Sjednica je počela s radom u 10,15 sati.

Sjednici su prisustvovali: Mirko Banjac, Bogić Bogičević, Miodrag Deretić, Ana Havel, Alma Čolo i Rasim Kadić.

Sjednici nisu prisustvovali: Milenka Bošnjak, Jadranko Prlić i Sejfidin Tokić (opravdao odsustvo).

Pored članova Komisije, sjednici su prisustvovali: Halid Genjac, zamjenik predsjedavajućeg Predstavničkog doma, Vedran Hadžović, sekretar Komisije, Jadranko Tomić, član Privremenog Sekretarijata i Aljoša Čampara, referent za pravna pitanja u Privremenom Sekretarijatu, kao i Fernando Santaolalla, ispred Evropske Komisije.

Za sjednicu je predložen i usvojen sljedeći

D N E V N I R E D:

- 1. Usvajanje Zapisnika sa 5. i 6. sjednice Radne komisije za ustavna i pravna pitanja;**
- 2. Izjašnjenje o provedenoj proceduri glasanja o Nacrtu zakona o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom, sa 6. sjednice Predstavničkog doma Parlamentarne skupštine BiH;**
- 3. Zakon o praznicima BiH (predlađač: poslanici Sejfidin Tokić i Ivo Divković);**
- 4. Sporazum o vazdušnom saobraćaju između Savjeta ministara BiH i Austrijske Federalne vlade.**

AD 1:

Zapisnik sa 5. i 6. sjednice Komisije usvojen je bez primjedbi.

Miodrag Deretić je dao primjedbu na kratak rok zakazivanja sjednica Komisije i materijala za sjednicu.

AD 2:

S obzirom da je Komisija na 6. sjednici detaljno razmotrila ovo pitanje, kraće uvodne napomene u kojim se osvrnuo na raniju raspravu i moguće zaključke, dao je Rasim Kadić, a u raspravi su učestvovali: Alma Čolo, Miodrag Deretić, Mirko Banjac, Bogić Bogičević, Ana Havel, Rasim Kadić, Fernando Santaolalla, Vedran Hadžović, Halid Genjac i Jadranko Tomić.

Komisija je zaključila da

1. Komisija je na osnovu uvida u Zapisnik sa 6. sjednice Predstavničkog doma i magnetofonski snimak sa 6. sjednice Predstavničkog doma Parlamentarne skupštine BiH, koji

čini sastavni dio ovog zapisnika, utvrdila da je prilikom odlučivanja o Nacrtu zakona o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom postojao potreban kvorum za odlučivanje i da je Nacrt navedenog zakona dobio potrebnu većinu glasova prisutnih poslanika i onih koji su glasali. Komisija je takođe konstatala da utvrđena procedura glasanja o Nacrtu zakona nije provedena do kraja, jer nije glasano od strane poslanika po entitetima.

U vezi s tim, Komisija predlaže da se na sjednici Predstavničkog doma o Nacrtu zakona o osnivanju zajedničkih policijskih snaga za suzbijanje terorizma, međuentitetskog kriminala i neovlašćene trgovine drogom, procedura glasanja provede do kraja, tako da se glasa od strane poslanika sa teritorije oba entiteta.

2. Razmatrajući provedenu proceduru glasanja u konkretnom slučaju, Komisija je konstatala da se važećim Privremenim Poslovníkom Predstavničkog doma Parlamentarne skupštine Bosne i Hercegovine ne reguliše na detaljan i jasan način procedura odlučivanja i usvajanja odluka Predstavničkog doma Parlamentarne skupštine Bosne i Hercegovine, te je ovo pitanje potrebno Poslovníkom precizno regulirati.

3. Zaključak o proceduri donošenja zakona i drugih akata potrebno je proširiti, tako da je u prijedlozima zakona, odnosno inicijativa za donošenje ili izmjenu zakona i drugih akata podnesenih od strane poslanika, klubova poslanika, radnih komisija i drugih institucija Bosne i Hercegovine podnesenih Predstavničkom domu Parlamentarne skupštine Bosne i Hercegovine, potrebno navesti: ustavni osnov, cilj i razloge za donošenje, kao i obrazloženje zakona ili drugog akta koji se predlaže, odnosno kojeg je potrebno donijeti.

AD 3:

Dogovoreno je da se razmatranje Zakona o praznicima BiH odgodi za narednu sjednicu Komisije, kada ovaj zakon bude na dnevnom redu sjednice Predstavničkog doma.

AD 4:

Nakon provedene rasprave u kojoj su učestvovali: Alma Čolo, Rasim Kadić, Mirko Banjac, Bogić Bogičević, Ana Havel i Vedran Hadžović, Komisija je utvrdila sljedeće mišljenje, koje je potrebno navesti u Izvještaju Predstavničkom domu:

1. Komisija je razmotrila Sporazum o vazdušnom saobraćaju između Savjeta ministara BiH i Austrijske Federalne vlade i ocijenila da postoji ustavni osnov za davanje saglasnosti za njegovu ratifikaciju.

2. Komisija nije razmatrala sadržaj sporazuma, što i nije u okviru djelokruga Komisije. Međutim, Komisija je konstatala da tekst Sporazuma nije podnesen u zadovoljavajućoj formi, u originalnim tekstovima na engleskom jeziku i jezicima u službenoj upotrebi u Bosni i Hercegovini, parafiranim od strane ovlaštenih potpisnika - predstavnika Savjeta ministara BiH i Austrijske Federalne vlade, te smatra da je potrebno da se Parlamentarnoj skupštini BiH tekstovi Sporazuma dostave u izvornim tekstovima.

Sjednica je završena u 11,10 sati.

PREDSJEDAVAJUĆI
Rasim Kadić

SEKRETAR
Vedran Hadžović